

- Orruit in superis, ubi follibus ambitionis
 Extumuit princeps ac prevalet ira potenti.
 Tunc redit Anthiocus, redeunt ad funera fratres,
 165 Tunc redit Herodes, redeunt ad sceptrā Nerones.
 Altus enim sceptris, dominandi felle recoctus,
 Faucibus accensis varias impectorat iras,
 Dumque potestati nimium delaxat habenas,
 Sordida sorde trahens parit, auget ubique ruinas.
 170 Hinc seges scelerum fremit, hinc Babilonia pestis,
 Complicat hinc serpens spirans et retia mortis.
 Hinc ego sic iaceo; sic una tot ictibus intus
 Tandem succumbo, ferri quoque iura resigno.
 Si tamen expectas, quae prima retorsit Herinis
 175 In me tot furias: tellus, mare, sydera dicent,
 Filius invidie Lombardus adegerit illas.

VIATOR.

- Ha video, video, vere fuit invida pestis
 Propria Lombardi, quae tot portenta malorum
 Traxit ad excidium tibi, nobile Mediolanum.
 180 Lombardi Bardi, quae vos concordia demens
 Egit in has furias, ut vestro robore fracto
 Sub iuga vos omnes sic barbarus angeret hostis?
 Ha miseri, miseri, sic fracti fluminis aptos
 Edomat ira canum miserosque retractat in usus.
 185 Sic levior, sic error agit, sic impia proles
 Viperei fetus rupere cubilia matrum.
 Tu tamen in populis urbs florentissima quondam,
 Spes Latii, Romana salus, pars inclita mundi,
 Spem tibi ne tollas: nam desperare salutem
 190 Triste nefas miseris et proxima mortis ymago:
 Sors vero si certa fuit, si firmiter hesit,
 Certior inde satis sors et tibi leta redibit.
 Spes etenim magnas iam sepe recondidit urbes
 Consilioque suo populis et honoribus auxit.
 195 Spes urbem sanctam templum murosque refecit.
 Non negat Eufrates nec fertilis accolla Nilli;
 Spes Romana suo reparavit menia civi,
 Utque referret opes tulit exulis arma Camilli.
 Ha quotiens, quotiens mirandis cladibus olim
 200 Punicus ille leo, Romani sanguinis haustor,
 Alpibus edomitis digitalia signa triumphans,
 170 Viell. 'Hincque'. W. 185 'sit error' Hs. 191 'sors tibi' Hs.

168 Aen. I, 63 'laxas . . habenas'. 180 Aen. IX, 601 'quae vos dementia adegit'. 189 Aen. II, 354 'nullam sperare salutem'. 190 Aen. II, 184 'nefas . . triste'; 369 'plurima mortis imago'. 196 Georg. IV, 288 Accolit . . Nilum'.